


# LESWAO LA MESIA

 A re inamišeng dihlogo tša rena feela nakwana. Morategi Modimo, ge re ekwa koša yela, “Jesu o kgauswi, gomme dilo tšohle di a kgonega,” go tsikinya dipelo tša rena go tseba gore yeo ke go feta koša. Ke Therešo. Wena o fa. Morena, ke a dumela O be o no ba ka morago ga tabarenekele gonabjalebjaale, gape; mme yola yo monnyane a swere lesea lela le lennyane, a kolobile tlapatlapa, ka puleng; gomme lesogana lela le bitša morategi wa lona, kgole kua ka bookelong, a ehwa. Ekwa dithapelo tša rena, Morena. Go ne batho ba dutšego ka go kereke ye letšatši lohle, go tloga ka iri ya boselela mosong wo. Ba letetše go bona Wena, Morena. Ba kwele re bolela lehono gore O tsogile bahung. Gomme O Jesu wa go swana a sa phelago bošegong bjo, ka morago ga mengwaga ye makgolo a lesomesenyane. O sa le Jesu. Gomme re a rapela, Modimo, gore O tla fodiša motho yo a babjago yo mongwe le yo mongwe yo a lego ka Bogoneng bjo Bokgethwa. A nke go se be le motho wa sekoka mo magareng ga rena ge tirelo ye e fela. E no re bontšha, Morena, gore O fa.

<sup>2</sup> Re nagana ka banna ba babedi ka go moso wola wa Paseka, ba bego ba nolegile moko, ga go pelaelo. Eupša ba bantši fa ba nolegile moko bošegong bjo, ba lwala gomme ga ba kgone go ba kaone, dingaka di ba hlobogile. Gomme bjalo ge ba e ya tseleng ya bona, go bile le Mosetsebje Yo a sepeletšego ntle le go bolela le bona, go bolela ka Mangwalo, letšatši ka moka. Gomme nakong ya bošego, ge A ba tsentše ka kamoreng le go tswalela lemati, O dirile se sengwe. O e dirile feela ka tsela A e dirilego pele ga go bapolwa, gomme ba tsebile gore yola e bile Morena yo a tsogilego. O timeletše go tloga pele ga bona. Ba kitimile ka pela, morago go botša ba bangwe, “O tsogile go tšwa bahung.”

<sup>3</sup> Modimo, re rapela gore O tla tla ka magareng ga rena bošegong bjo le go dira dilo tšeo A di dirilego pele ga go bapolwa ga Gagwe. Mengwaga ye makgolo a lesomesenyane ga se selo go Yena; Ke wa Gosafelego. Gomme a nke ba bantši fa bošegong bjo ba kitimele gae ka pela, go botša mosadi wa bona, monna wa bona, baratwa ba bona, moagišani wa bona, “O a phela! O bonagetše go nna bošegong bjo! O fodišitše bolwetši bja ka! Ke ya go ba kaone bjale.” Efa se, Tate. Re e kgopela ka Leina la Jesu. Amene. (Le ka dula fase.)

<sup>4</sup> Ke maswabi gore ke bile le lentšu la makgwakgwa, eupša ke no ba ke be ke le matasatasa ke bolela, go kolobetša; ke bile le mpshikela, le go thoma, ge e sa le ke bowa morago go tšwa tlase ka Florida le mošola ka dihlakahlakeng. Ke swanetše go tloga mo mosong bjale, bakeng sa California, sebakeng sa e ka no ba dikopano tša kgwedi ya go kgwahla. Kafao ke kgopetše Ngwanešu Neville ge a ka mpolelela bošegong bjo, gomme ke ne

kgonthe le kwele molaetša wa go makatša. Re ipshinne ka tirelo ya mosong wo go tšwa go Ngwanešu Neville. Gomme re a tshepa gore Modimo o tla tšwelapele go ba le yena le kereke ye, ka ge a diša fa.

<sup>5</sup> Bjale ke sa tšwa go kopana le Billy ntle fale, gomme o bile mokgwa wa go nkgwatha mo lehlakoreng, gomme o rile, “Papa, batho ba eme fa, gomme ba bangwe ba bona ba bile fa botelele mosegare wohle.”

<sup>6</sup> Ke rile, “Gabotse, ke a thakgala gore ditirelo tša rena di batametše go fela, kafao ga la swanela go ema.” Gomme e a na. Gomme ge ke tsena ka moagong, baratani ba bannyane ba be ba fologa sefatanaga ntle fale, le lesea le lennyane la go babja. Ba be ba kolobile tlapatlapa. Ebile o be a sa kgone go tsena ka mojako. Eupša ka kgonthe bjalo ka ge ke eme fa, Modimo o fodišitše lesea lela feela thwi yona nako yeo. Yeo ke nnete. Ka fao A arabago thapelo!

<sup>7</sup> Gomme bjale ka morago ga ge re rerile lehono, gomme mosong wo ke rerile ka dihlogo tše tlhano: *Go Pheleng, Go Hweng, Go Bolokweng, Go Tsogeng, Go Tleng.*

Go pheleng, O nthatile. Go hweng, O mphološitše.

Go bolokweng, O rwaletše dibe tša ka kgolekgole.

Go tsogeng, O lokafaditše ka thelelo go ya go ile.

Letšatši le lengwe O etla, oo, letšatši la letago!

Re dutše, re šeditše bošegong bjo, re letile go bonagaleng ga Gagwe.

<sup>8</sup> Gobaneng re patagane ka fa? Gobaneng batho ba etla go theeletša Ebangedi? Go le bjalo, ka bonolong bja Yona, Ke kgogedi ye kgolokgolo lefase le kilego la ke la ba le yona. Jesu o rile, “Ge ke phagamišeditšwe godimo, Ke tla gogela batho bohle go Nna.” Bjalo selo ke, ke bodumedi bjo re bolelago ka bjona, a ke kgonthe? A ke Therešo? Ge e ba ke Therešo, gona re ka dumela Lentšu le lengwe le le lengwe Beibele e le boletšego. Ge eba ga se Therešo, ga ra swanela go ba le selo go dira le yona, re swanetše go no tšwelapele mo dibeng tša rena; go ja, go nwa, ka gore gosasa re a hwa. Eupša ke leboga bjang go tseba gore Ye yeo re bolelago ka yona ke Therešo! Gomme ke bodumedi bo nnoši ka lefaseng. . . Go le bjalo, bja bone ka palo, go le bjalo ke bodumedi bo nnoši ka lefaseng bjoo Mothomi a kgonnego go hwa le go tsoga gape, gomme o a phela bošegong bjo.

<sup>9</sup> Ke bone ka go lephephe, fa ka lephepheng la toropokgolo letšatši le lengwe, fao ba bilego le monna, Buddha, o be a tsogile. Ba bantši ba lena ba bone seo ka go lephephe. Ba ne monna yoo e lego Buddha yo monnyane yoo a belegwego go swana feela bjalo ka ge Buddha a bile; nnete, ga se a dire mehlolo, eupša thuto ya

gagwe le se sengwe le se sengwe e bile feela bjalo ka Buddha. Ge Buddha a ne monna mo tšhemong, yena wa maaka; Modimo o ne Moya wo Mokgethwa mo tšhemong, Moya wa Modimo wa kgonthe.

<sup>10</sup> Bjale, re bolela ka dilo tše tša go makatša, eupša a e tla šoma? A wo Mokgethwa . . . A Moya wo Mokgethwa o swarela motho dibe tša gagwe? A O tla fodiša bolwetši bja gagwe? Kgonthe, O tla dira. Ke Modimo, go ya go ile. Bjale, ge re ka . . . Ge Jesu a ka tla go makgatheng a rena le go netefatša Yenamong, gore O a phela, fa bošegong bjo magareng ga rena, go swanetše go dira yo mongwe le yo mongwe wa rena go dumela tshepišo ye nngwe le ye nngwe A nago le yona ka go Beibele.

<sup>11</sup> A go na le yo itšego fa yo a sa nkago a ba ka go e tee ya dikopano tša ka pele? A nke re bone seatla sa gago, o sa nkago wa ba ka go kopano pele. E no lebelelang, ka kgonagalo seripa sa lešaba!

<sup>12</sup> Ga se nna mofodiši. Ga ke dumele—ke dumele go ne motho yo e lego mofodiši. Jesu Kriste ke Mofodiši.

<sup>13</sup> Gomme O rile, ge A be a le mo lefaseng, gore Modimo o be a le Mofodiši. Bjale, ge A be a le mo lefaseng, ga se nke A tleleima go ba Mofodiši, eupša O bontšhitše go batho leswao la Gagwe la Bomesia, gomme leswao lela la Bomesia e bile go tseba sephiri sa pelo ya bona. Ke ba bakae ba tsebago yeo ke therešo?

<sup>14</sup> Ge A boditše Petro, ge a e tla pele ga Gagwe, se leina la gagwe e bilego, se leina la tatagwe e bilego; Petro o dumetše ka tsela yeo, ka tumelo ye bjalo, gore Jesu a mo fe dinotlelo tša Mmušo, moragorago, le go mmea ka godimo ga Kereke.

<sup>15</sup> Ge Filipi a hweditše Nathaniele ka tlase ga mohlare, le go mmošša, “Etla gomme o bone Yo ke mo hweditšego, Jesu wa Nasaretha, morwa wa Josefa.”

<sup>16</sup> Gomme rabodumedi yola wa go kgwahla o rile, “Go ka ba le selo se itšego se sebotse go tšwa go Nasaretha?”

<sup>17</sup> O mo file karabo ye kaonekaone yeo motho mang kapa mang a ka e fago. O rile, “Etla gomme o bone. O se no e swaswalatša. Etla, itebelele ka wenamong.”

<sup>18</sup> Gomme ka pela ge Filipi a etla godimo le Nathaniele, Jesu o rile go yena, “Bonang Moisraele, yo ka go yena go se nago bofora!”

O rile, “O ntsebile neng, Rabi?”

O rile, “Pele Filipi a go bitša, Ke go bone ka tlase ga mohlare.”

O rile, “Wena o Morwa wa Modimo, Kgoši ya Israele.”

<sup>19</sup> O boditše mosadi mo sedibeng se se bego se le pelong ya gagwe. Dilo tše di netefaditše gore O be a le Mesia. Gomme ge Mesia yola a ka tsoaga go tšwa bahung lehono, gomme o dirile

poelano, gomme o fodišitše malwetši a rena le go swarela dibe tša rena, gona selo se nnoši A bego a ka se dira e bile go bontšha leswao lela la go swana morago gape, gore O sa phela go dira tshepišo efe kapa efe yeo A e dirilego, gabotse. A yeo ke therešo? [Phuthego e re, “Amene. Yeo ke nnete.”—Mor.] A nke re dumele seo bjale ge re sa rapela.

<sup>20</sup> Morena, batho ba letile. Lentšu le letee go tšwa go Wena le tla ba go feta Ngwanešu Neville goba nna re ka kgonago go bolela ka go dinako tše dintši tša bophelo. Feela lentšu le letee. Bjale, go ne seripa sa batheeletši ba seo se sa nkago ba bona dikopano pele. Morena Modimo, Mohlodi wa Magodimo le lefase, romela Maatla a Jesu Kriste ka go phapoši ye, Yena a tsogilego, Moya wo Mokgethwa wo o tlilego ka Pentecost, gomme a nke A tlotše batho bjalo. A nke ke kgone, ebile le ka go beng makgwakgwa go, go ineela nnamong ka go felelela bjalo go Moya wa Gagwe, gore A kgone go bolela ka lentšu le le robegilego le leo ke le neelago go Yena, lebelela ka mahlo a ao ke neelago go Yena, go bontšha dipono le dilo tšeo di tla dirago batho go bona gore O tsogile go tšwa bahung. Gomme ge batho ba ba bona seo, a nke batheeletši ka moka ba gokarele tshepišo ye nngwe le ye nngwe yeo A e dirilego. Ge ba dirile sebe, a nke ba Mo gokarele bakeng sa tshwarelo. Ge ba ne bolwetši, a nke ba tsebe gore ka megogoma ya Gagwe re fodišitšwe. E fe, Morena. Re e kgopela ka Leina la Jesu. Amene.

<sup>21</sup> Bjale ke makgaolakgang a magolo. Fa pele ga batho ba makgolo a mabedi goba a mararo, go bonolo. Ge, o ema pele ga dikete tše makgolo tlhano, seripa sa milione, dilo tša go swana di a direga. Ke Modimo. Bjale ke ba bakae fa ba lwalago gomme ba nyaka go rapelelwa, phagamiša seatla sa gago. Le a bona, e ka ba seripa sa lena, goba bontši. Ga ke kgone go ba tliša godimo fa bohle. Ke nagana . . . Ke swanetše go botšiša Billy gape. Go mmotšiša ge eba a file dikarata tša thapelo. Bjale, a o—a o e dirile? [Yo mongwe o re, “Ee.”—Mor.] Go lokile. Go lokile.

<sup>22</sup> Lamorena la go feta goba nako ya go feta ke bilego fa, ga se ba fe dikarata tša thapelo tše itšego, gomme ke e no botšiša, “Ke batho ba ba kae fa ba sa nka go ba be ka go kopano pele?” Ba bantši ba phagamišeditše seatla sa bona godimo, gore ga se nke ba ke ba be ka kopanong. Ge ba sa eme ka diatla tša bona godimo, Moya wo Mokgethwa o ile go rarela go ba botša bao ba bego ba le le se bolwetši bja bona bo bego bo le, le se se diregilego; gomme o fodišitše batho ka go felelela, go fihla dikutu le dilo di nyamelela, go fihla dikaro di sa kgone go dirwa. Ke ba bakae ba bilego fa go bona seo feela dibeke di se kae tša go feta?

<sup>23</sup> Ge eba a file dikarata tša thapelo, gona re tla bitša. Seo se fa batho ba gae, gomme e sego batho ba gae; batho bao ba kilego ba ba ka kopanong, batho bao ba sa nkago; go tla ka go mothalo wa thapelo. Re ka se kgone go ba tšea bohle godimo fa ka nako e tee. Re tla ba tliša feela ka go iketla bjalo ka ge re ka kgona.

24 Gomme ke nyaka le botegele Modimo. Botegela le wenamong. Gomme ge Jesu Kriste a tla tla ka makgatheng a rena le go phetha le go dira feela bjalo ka ge A dirile ge a be A le mo lefaseng, a sepela ka Galelia, le swanetše go Mo amogela bakeng sa e ka ba eng seo le se hlokago. Ga se le swanele go ba godimo fa mo sefaleng. O hlompha tumelo. Go tla ba le ba bangwe batho fa bao ba babjago ntle fale ka go batheeletši, bao ebile ba se nago karata ya thapelo, ba tla fodišwa go le bjalo. Ke ba bakae ba babjago gomme ba se ne karata ya thapelo? Phagamišetša seatla sa gago godimo. Gabotse, ga go ne dikarata tša thapelo tše dintši kudu di filwego gona, le a bona. Go lokile, o no dumela. E no lebelela ka tsela ye.

25 A nke ke le bontšhe se Jesu a se dirilego ge A be a le mo lefaseng. Go bile le mosadi, nako ye nngwe, o tlike go Yena. Gomme ga se a kgone go tseba ka go pitlaganong. O be a se ne karata ya thapelo, eupša o kgwathile morumo wa kobo ya Gagwe, ka gore o rile ka pelong ya gagwe, “Ke a tseba Monna yola o bolela Therešo. Ge nka kgona go kgwatha kobo ya Gagwe, ke tla welwa ke maruru.” Gomme o kgwathile kobo ya Gagwe, o ile ntle ka go batheeletši mohlomongwe bogolo makga a mantši go feta ba.

Jesu o retologile, gomme o rile, “Ke mang a Nkgwathilego?”

26 Petro ebile o Mo kgadile, gomme o rile, “Gobaneng O ka botšiša selo se se bjalo, mola bohle ba leka go Go kgwatha?”

O rile, “Eupša ke bone gore ke bile go fokola.”

27 Dipono di hlola go fokola. O ka se kgone go dira, go ya kgole kudu go tšona. Gomme O rile, o lebeletše go dikologa godimo ga batheeletši go fihla A hweditše mosadi, gomme o mmoditše gore o be a bile le taba ya madi, gomme tumelo ya gagwe e mo dirile a welwe ke maruru.

28 Ke ba bakae ba tsebago seo? [Phuthego e re, “Amene.”—Mor.] Beibele e boletše gore, “Jesu Kriste lehono ke Mopriska Mogolo yoo a kgonago go kgwathwa ke maikutlo a mafokodi a rena.” A yeo ke nnete? [“Amene.”] Gabotse, ge A bile Mopriska Mogolo, gomme a kgone go kgwathwa ke maikutlo a mafokodi a rena, a A ka se dire feela bjalo ka ge A dirile nako yela, ge A swana maabane, lehono, le go ya go ile?

29 Gona lena le se nago karata ya thapelo, le lebelela ka tsela ye, gomme o re pelong ya gago, “Morena, ke dumela ka pelo ya ka yohle, gomme ke a dumela gore O ya go mphodiša. Gomme a nke ke kgwathe kobo ya Gago. Gomme O bolela ka Ngwanešu Branham gomme o mmošše, feela bjalo ka ge O dirile mosadi, gomme ke tla Go dumela.” A o ka botega goo, le go dumela Modimo ka pelo ya gago yohle?

30 Billy Paul o boletše, o boletše metsotso e se mekae ya go feta, a eme fa, le tšere moneelo wa lerato bakeng sa ka. Ga se ke nyake go se go direga. Seo e bile. . . Eupša, ke a le leboga, go no swana.

Ke a e hloka bjale go leeto la ka la California. Ke tla o bea go Ebangedi.

<sup>31</sup> Yona meneelo ye mennyane yeo le mphago, le a tseba go diragala eng ka yona? Ke ile ka Peurto Rico le Jamaica dibeke di se kae tša go feta, fao ba ngwadišitšego basokologi ba dikete tše masomenne ka mašego a senyane. Ke eng e e dirilego? Karolo ya lesome ya lena. Ge ke tloga, ratoropo wa . . . moahlodi wa sehlakahlaka o emeletše godimo, o rile, “Re na le baebangedi go tla ka mo gomme ba tšea meneelo ye megolo, le go tura tšhelete ye ntši. Eupša,” o rile, “ge Ngwanešu Branham a etla, ga se a ke ebile a kgopela bakeng sa peni ya tšhelete, ga se nke a ke a re kgopela go lefela mokitlana wa gagwe wa hotele. Gomme o lefetše leeto la gagwe mong, go bowa le go ya.” Ke eng e e dirilego? Tšhelete ya lena. Ke nyaka go ba le kgonthe gore ke e šomiša maleba. Kafao, mo Setulong sa Kahlolo, ge ke ema pele ga lena le Modimo, ke swanetše go fa boikarabelo ka yona, e dirilwe ka maleba. Ke e tšere nnamong, ge feela ke kgona go ya, go dira bokaonekaone nka bo direlago letago la Gagwe.

<sup>32</sup> Bjale re ka se kgone go tliša dikarata tša thapelo tšohle godimo gatee, kafao ke tla no ba tliša godimo, feela ba se nene ka go latelana.

<sup>33</sup> Ke mang a nago le karata ya thapelo nomoro ya tee? A o ka phagamišetša seatla sa gago godimo ge o ka kgona go ema. Moragorago ka morago, ke mohumagadi wa lekhalate. Etla thwi tlase ka tsela ye, mohumagadi. Dira tsela ya gago tlase le go tla fa ka lehlakoreng la sefala. Bjale ke mang a nago karata ya thapelo nomoro pedi? Ge o ka kgona go ema, phagamiša seatla sa gago, karata ya thapelo nomoro pedi. Mohumagadi wa lekgowa fa. Go lokile, mohumagadi, o tla thwi godimo le go latela mohumagadi yo wa lekhalate godimo fa, thwi godimo fa. Bjale ba tlišeng go rarela ka tsela *yela*, Doc, ka pela ge se se tlala godimo fa.

<sup>34</sup> Karata ya thapelo, nomoro tharo, a o ka emiša seatla sa gago ge o ka kgona. Mokgomana thwi godimo fa, mohlomphegi. Nomoro nne, o ka emiša seatla sa gago. Go lokile, mohumagadi, thwi godimo fa. Nomoro tlhano, o ka emiša seatla sa gago. Moisa yo moswa yo fa. Bokgole bjoo, yo mongwe le yo mongwe wa bona ke mosetsebj e go nna. Nomoro tshela, o ka emiša seatla sa gago, nomoro tshela. A ke biditye nomoro tlhano, nomoro tlhano? Le nomoro tshela, mosetsebj e go nna gape. Nomoro šupa, o ka phagamiša seatla sa gago. Phagamiša seatla sa gago, yo a nago nomoro šupa. Go lokile, ke a dumela ke tseba moisa yola. Ke—ke a dumela ke a mo tseba. Nomoro seswai, o ka phagamiša seatla sa gago ge o kgona. Mohumagadi godimo fa. Go lokile, nomoro senyane. Go lokile, mohumagadi. Nomoro lesome. Go lokile, nomoro lesome, mohumagadi.

<sup>35</sup> Go ne phošo felotsoko. Monna yo fa ke nomoro efe? A yo mongwe a ka lebelela, ba bangwe ba lena diašara etlang fa

le go bona. [Yo mongwe o re, “O masomeseswai nne.”—Mor.] Masomeseswai nne. Ke nomoro lesome ke bego ke e bitša gona, ke a leboga, nomoro lesome. Eupša re tla tla go wena go le bjalo. Seo se lokile. Lebelela, ke tseba se nomoro ya gago e lego bjale. Ke masomeseswai nne, e be e se yona, o re masomeseswai nne goba se sengwe bjalo ka seo? Go lokile, o no leta fa. O no dumela. Ke a go botša, ge o sa šomiše karata yeo, karata ya thapelo, o lebelela ka tsela ye gomme wa dumela Modimo, gomme wa bona ge Modimo a ka araba thapelo bakeng sa gago. Go lokile.

<sup>36</sup> Nomoro, yela e bile lesome? Lesometee. Go lokile, lesomepedi. Bjale, ge o sa kgone go ema, e no... Nomoro lesomepedi. Lesometharo, nomoro lesometharo, moragorago. Lesomenne, nomoro lesomenne, ka moragorago. Nomoro lesometlhano.

<sup>37</sup> Di a fiwa ntle go le bjalo. Bašemane bao ba di fago ntle, ba no re, “Ke mang a nyakago karata ya thapelo, emiša seatla sa gago.” Ba a di tšea le go di hlakahlakanya tšohle godimo, ga go yo a tsebago ofe o hwetša efe. Gomme ba ba fa ka tsela yeo.

<sup>38</sup> Nomoro lesomenne. Nomoro lesometlhano, ke mang a nago karata ya thapelo lesometlhano, nomoro lesometlhano? Nomoro lesometshela, moragorago ka morago. Nomoro lesomešupa. Bjale, ge nomoro lesometshela a le ka moagong goba a eme ntle ka serepoding, e no itirela wenamong tsela go dikologa. Nomoro... Ke maswabi, ga se nke ka bona seatla sa gago, kgaetšedi, go yona. Ke wena lesometshela? Go lokile... [Kgaetšedi o re, “Lesomešupa.”—Mor.] Lesomešupa. Lesomeseswai, lesomesenyane, nomoro lesomesenyane. Masomepedi, nomoro masomepedi, monna godimo fa. Go lokile. Go lokile.

<sup>39</sup> Bjale ke a dumela re tla thwi ntle ka serepoding fa bjale, kafao re tla... [Yo mongwe o re, “Go lekanetše.”—Mor.] O reng? [“Go lekanetše.”] Go lekanetše sebakeng sa gabjale. Go lokile. Gabotse, lebelela tsela ye gomme o dumele. Go lokile.

A nke re bone, ge rapiano, ka boleta le go iketla, *Dumela Feela*, feela kgontha ka boleta.

<sup>40</sup> Boati bja batho mo serepoding fa ke basetsebe go nna. Ga ke le tsebe. Bjale go ne ba bangwe ka fa bao ba sa ne go dikarata tša thapelo, ba bangwe mohlomongwe ga ba ne dikarata tša thapelo. Mohlomongwe re ka bitša ba bangwe gape ka mothalong wa thapelo feela mo metsotsong e se mekae, ka pela ge re hwetša serepodi se se otlolotšwe.

<sup>41</sup> Ke dumela mokgomana yola fa, Doc, o be a e tla ka gare go tloga morago fale, o be a biditye, lesometshela goba šupa... lesometshela. Go lokile, etla thwi mmogo fale gomme o hwetše maemo a gago, mohlomphegi.

<sup>42</sup> Bjale, ge o se wa bitšwa, seo ga se ne selo se tee go dira le yona, le a bona, e no lebelela gomme o dumele.

43 [Yo mongwe o re, “Go sa ne *lesometlhano* e hlokegago, le yona.”—Mor.] Nomoro lesometlhano e a hlokega. Mohlomongwe motho ga a kgone go emelela. Ge o sa kgone go emelela. . . Yo mongwe lebelela go karata ya thapelo ya motho yo mongwe, mohlomongwe ke sefoa gomme ga a kgone go kwa. Ge ba le fa, lesometlhano, o amogetšwe go tšea sekgoba sa gago mo mothalong. Ge ba širogetše ntle gomme ba tla boa mo metsotsong e se mekae, ba beeng mo mothalong feela bjalo ka ge nomoro ya bona e biditšwe.

44 Ge re etla tlase go bapa le mothalo fa, re tla bitša ba bangwe ka gare gape, ge Moya wo Mokgethwa o sa bonale eke o tlotša moago, batho, gore ba kgone go fodišwa.

45 Bjale, bjale ke nako ye bohlokwa, bjale ke nako moo e ka ba ke boletše Therešo goba ke boletše maaka. Bjale ke nako moo Jesu Kriste a netefatšwago go tsogeng go tšwa bahung, goba ga se A tsoga go tšwa bahung. Bjale ke nako A lego wa go swana maabane, lehono, le go ya go ile, goba ga A swane maabane, lehono, le go ya go ile. Bjale O swanetše go netefatša go ba Mofodiši, goba ga se Yena Mofodiši. Gomme ge mang kapa mang a ka nyaka go tšea sekgoba sa ka, go rapelela balwetši, o amogetšwe go tla le go tšea sekgoba sa ka.

46 Ke ba bakae ba lena mo mothalong wa thapelo fa, bjalo ka ge le lebelela fa, bao le lego ka go mothalo wa thapelo bjale, le sa ntsebe go, gomme le tseba ga ke le tsebe goba ga go selo ka lena, phagamiša seatla sa gago.

47 Ntle ka go batheeletši, yoo ba tsebago ga ke tsebe selo ka ga wena, phagamiša seatla sa gago (go le bjalo o a babja) ntle ka go batheeletši. Le a bona, ke lena bao.

48 Bjale Modimo o tla dira eng? Lengwalo šeleo, Moya wa Modimo o fa, bjale a e tla šoma? Ge nka ineela bonna go Moya wo Mokgethwa, e tla šoma. Gomme e ka se ntšhomele ntle le ge lena le ka ineela lenabeng go Moya wo Mokgethwa, “Ka gore mediro ye mentši ye megolo Jesu o be a sa kgone go dira ka go naga ya Gagwe Mong, ka lebaka la go se dumele ga bona.”

49 Bjale o dumele ka pelo ya gago yohle, e ba go hlokofala ka kgonthe bjalo ka ge o ka kgona. Emang go iketla, šetšang. Ge Moya wo Mokgethwa o dira se sengwe, gona hlalala, morago dumela.

50 Bjale, Morena, tšohle re nago le tšona, tšohle tše re lego. . . Ba eme go fihla maoto a bona a ehwa bogatšu, ba dutše go fihla ba nyakile go lokela go idibala. Bjale, Morena, a nke go tsebje gore Wena o Modimo. Gomme ke biditše batheeletši ba mmogo, ka taelo ya Gago. Gomme ke eme fa, e se go bonwa, goba go leka go dira yo mogolo goba go direng se sengwe go fapana, eupša ke ka gore ke taelo e laetšwego nna ka Morongwa, le go tiišetšwa ke Lentšu la Gago. A nke go tsebje bošegong bjo gore Wena o Jesu Kriste, Morwa wa Modimo, yoo a tsogilego go tšwa bahung;



gomme O phela ka Kerekeng ya Gago, ka go batho ba Gago, go dira le go phethagatša bodiredi bja go swana O bilego le bjona ge O be o le fa ka go mmele wa nama. E fe, Morena. Gomme re tla Go tumiša, ka Leina la Jesu Kriste. Amene.

51 Bjale Billy Paul o kae, a o ka moagong wo? Na o tlogile? Goba, yo mongwe o swanetše go tla fa go tšea dikarata tše tša thapelo, le a bona. E tla, Ngwanešu . . . ? . . . Mosadi o ne karata ya thapelo ka seatleng sa gagwe. O no mo fa yona, o a bona.

E bang tlhomphekolo ka kgonthe.

52 Bjale mohumagadi yo fa, bokgole bjoo ke tsebago, ke mosetsebjwa wa go felela go nna. Gomme fa ke seemo se se phethagetšego sa Lengwalo, batho ba babedi le ditšhaba tše pedi tša go fapana.

53 Jesu o tla sedibeng nako ye nngwe, ka go Mokgethwa Johane 4, gomme o kopana le mosadi wa Mosamaria. Gomme O boletše le yena sebakana se sennyane, go fihlela A hweditše seo bothata bja gagwe e bilego. Gomme O mmoditše bothata bja gagwe. Gomme, ge A dirile, o e lemogile go ba Mesia. Ke ba bakae ba tsebago seo? [Phuthego e re, “Amene.”—Mor.] Le elelwa poledišano ya bona? O rile, “Mosadi, Ntlišetše seno.” Na O be a dira eng? Go kgokagana le moya wa gagwe.

54 Gomme o rile, “Sediba se tebile, gomme ga O ne selo go ga ka sona. Ga se setlwaedi go Wena go, Mojuda, go kgopela Basamaria se se bjalo.”

55 O rile, “Eupša ge o ka be o tsebile Yo o bego o bolela le yena, o be o tla Nkgopela meetse.”

56 Gomme kafao poledišano e ile pele go fihla A hweditše se bothata bja gagwe e bilego. Ke ba bakae ba tsebago se bothata bja gagwe e bilego? O be a phela bootsweng. Kafao O rile, “Šepela o hwetše monna wa gago gomme o tle fa.”

O rile, “Ga ke na monna yo itšego.”

57 O rile, “Yeo ke nnete. O bile le ba bahlano, gomme yo o dulago le yena bjale ga se monna wa gago.”

58 Bjale theeletšang se a se boletšego. O rile, “Mohlomphagi, ke a bona gore Wena o Moprofeta. Re tseba gore ge Mesia a tšile O tla re botša dilo tše. Mesia, leswao la Mesia, O tla dira se ge A etla; gobane O be a le Modimo Moprofeta, Moprofeta, Moshe o boletše ka ga.” O rile, “Re a tseba Mesia o tla dira se ge A etla, eupša Wena o Mang?”

O rile, “Ke nna Yena yo a bolelago le wena.”

59 Gomme o kitimetše ka go toropokgolo gomme o boditše banna, “Etlang, bonang Monna Yoo a mpoeditšego dilo tše ke di dirilego. A yo ga se yena Mesia?”

60 Gomme fa go eme mosadi wa Moethopia go monna wa Moanglo Saxon, lekgala la pele mo bophelong ba kopana; se re se

bitšago mosadi wa lekhalate, monna wa lekgowa. Ge potšišo yela e botšišitšwe fale, ka go kgethologanyo, pele ga Jesu, O ba dirile ba tsebe ka potlako ka kgonthe: ga go ne phapano go mebala ya batho. Bohle re tšwa go mohlare o motee, Adam le Efa. Tlwa. Dinaga re dulago ka go tšona, di fetotše lebala la rena; ga se e be le selo go dira le yona. Modimo o hwetše dibopša tšohle: lekgowa, mothomoso, motho yo moserolwana, motho yo motsotho, motho yo mohubedu, le bohle. Bohle ke dibopša tša Modimo.

<sup>61</sup> Eupša mohumagadi o ema fa bakeng sa se sengwe. Mohlomongwe ke modumedi, mohlomongwe ga se yena. Mohlomongwe ke modiradibe. A ka no be a le mokgethwa. A ka no ba a babja, a ka ba a se. A ka no be a nyaka; bothata bja mašelang. A ka no be a emetše yo mongwe gape. Ga ke tsebe. Ga se nke ka ke ka mmona, gomme ga ke ne gape kelelo se a lego fa bakeng sa gona go feta ga go selo. Gomme mohumagadi o tseba seo. A seo ke nnete, mohumagadi? [Kgaetšedi o re, “Ee, mohlophegi.”—Mor.] Ge seo e le nnete, phagamiša seatla sa gago gore batho ba kgone go bona. E no phagamiša seatla sa gago gore batho . . . E no phagamiša seatla sa gago. Ye ke kopano ya rena ya mathomo. Bjale ge Morena Jesu a ka . . .

<sup>62</sup> Ge a babja, nka se kgone go mo fodiša bontši go feta ge nka se kgone go go fodiša. Eupša ge—ge Jesu a le fa A ka se mo fodiše, gobane O šetše a e dirile ge A hwile kua Khalibari. Eupša A ka dira se sengwe go netefatša gore O sa le Jesu wa go swana, gomme o tla e dumela, o tla fodišwa. Gomme nako ya go swana a tla go fodišwa, le tla fodišwa, le lena, ge le ka e dumela. A yeo ke nnete? [Phuthego e re, “Yeo ke nnete.”—Mor.] Bjale, a nke Morena a e fe. Ke letile bakeng sa tlotšo ya Moya wo Mokgethwa, ka nnete.

<sup>63</sup> Gomme bjale, mo Leineng la Jesu Kriste, ke tšea moya wo mongwe le wo mongwe ka fa ka tlase ga taolo ya ka, bakeng sa letago la Modimo.

<sup>64</sup> Bjale, mohumagadi, ke no nyaka o ntebelele feela nakwana. Ke nyaka o dumele ka pelo ya gago yohle. Gomme ga ke ne le kelello gape se o lego fa bakeng sa sona, ke wena mang, go feta ga go selo. Eupša Modimo o tseba tšohle ka ga wena. Eupša ge Modimo a ka mpotša se o lego fa bakeng sa gona, gona o tla dumela gore Jesu Kriste, Morwa wa Modimo, o fa go dira le go diragatša ka tsela ye A dirilego ge a be A le mo lefaseng fa?

<sup>65</sup> A batheeletši ba tla dumela, ka mmero o tee? [Phuthego e re, “Amene.”—Mor.]

<sup>66</sup> Bjale ke rena fa, tiragalo e beilwe. Bobedi re ne diatla tša rena di išitšwe godimo, re basetsebane yo motee go yo mongwe. Moya wo Mokgethwa o ngwadile Beibele, o rile dilo tše di tla direga mo letšatšing le, gore Jesu o tsogile go tšwa bahung gomme dilo tše di tla ya pele, bodiredi bja Gagwe bo tla tšwelapele, gomme mo matsatšing a bofelo e tla ba feela tlwa ka tsela ye A e tšhepišitšego go ba. Bjale a yona ke nnete?

67 Mohumagadi, bjalo ka ge a tšhogile, ka nnete, o fogohletša diatla tša gagwe ka gobane o ikwela go se tlwaelege ka nako ye. E se ka gobane o eme go nna; ke nna ngwanabo, go ka se mo dire go ikwa ka tsela yeo. Eupša yena o—yena o lemoga gore se sengwe se a diragala. Gomme o bona seswantšho sela fale le Seetša sela fale godimo ga sona, kgaetšedi? Seo ke se se go dirago go ikwela ka tsela yeo. Yoo ke Morongwa wa Morena, Se godimo ga gago thwi bjale. Gomme o fa go nna go go rapelela, [Kgaetšedi o re, “Ee.”—Mor.] bakeng sa bothata bja mokokotlo bjoo o fokologo ka bjona. [“Yeo ke nnete.”] Yeo ke nnete, phagamiša seatla sa gago.

68 Bjale a le a dumela? [Phuthego e re, “Amene.”—Mor.] Le a bona, go a tsebagatša, sephiri sa pelo. Feela bjalo ka ge A rile, “O ne banna ba bahlano.”

69 Le re bjale, lena e sa lego mathomo le etla, le ka re, “Ngwanešu Branham o thankile seo.”

70 A ke re bone ge e ba Se thankile. Ke a dumela Se rile o bile le bothata bja mokokotlo. E bile nnete? [Kgaetšedi o re, “Ee.”—Mor.] Seo e bile therešo? [“Ee, mohlomphegi!”] Gomme wena, o bile le karo, le wena, gomme o sa tšwa go tšwa sepetlele. Gomme, gore o ke o tsebe gore ke mohlanka wa Modimo, monna wa gago o dutše morago fale. [“Ee, mohlomphegi, yeo ke nnete.”] Gomme o ne bothata, le yena. Ge nka go botša se bothata bja monna wa gago e lego, o tla dumela? [“Ee, mohlomphegi.”] O ne bothata le lehlakore la gagwe le mokokotlo wa gagwe. A seo ke nnete? Phagamiša seatla sa gago. Ke tla go botša se sengwe gape. Ke bona lesogana, morwa wa gago, o dutše morago fale, le yena. [“Yeo ke nnete.”] Nnete. Gomme morwa wa gago o ne mohuta wo mongwe wa dihwahwa. [“Ee, mohlomphegi.”] Yeo ke nnete. [“Ee, yeo ke nnete. Ke a Go leboga, Jesu.”] Mdi. Stovall ke leina la gago. Leo ke leina la gago, Mdi. Stovall. [“Ee.”] Eya gae, Jesu Kriste o arabile dithapelo tša gago! O ka hwetša se o se kgopetšego, ka Leina la Jesu.

71 Bjale e nno dumelang! Bohle lena batho bao le lego makhalate, dumelang ka pelo ya lena yohle bjale. A le lemoga gore Jesu Kriste, Morwa wa Modimo, o tsogile go tšwa bahung? Woo ke Moya wa Gagwe woo o dirago le ikwele ka tsela yeo.

72 Bjale fa go mosadi wa lekgowa. Ga ke mo tsebe, ga ke ne kelello yo a lego yena, se a lego, goba—goba se a lego fa bakeng sa gona. Ge seo e le nnete, phagamiša seatla sa gago. Bjale a le a dumela? Ge Modimo a rata, a ka utolla pelo ya gagwe, feela bjalo ka ge A dirile mosadi kua sedibeng, bjalo ka ge A dirile mosadi wa lekhallate, ke batho ba bakae ba makgowa ba tla dumelago ge A e dirile? Fa, nna le mosadi yo, bobedi le diatla tša rena di emišitšwe, ye ke kopano ya rena ya mathomo.

73 Ke bolela selo se sengwe, mohumagadi ga a tšwe tikologong fa. O tlile go tšwa bohlabela, o etla bodikela ge o etla fa. Yeo ke nnete. O tla go tšwa Ohio, gomme toropokgolo e bile Dayton.

Yeo ke nnete. Gomme se o le go fa bakeng sa gona, ke gobane o ne bofokodi. Gomme o ne seemo sa go tšhoga, gobane ga o kgone go robala. O tšea mohuta o itšego wa seokobatši sebakeng sa seo. Ba go bitša “Dixie,” yeo ke nnete, Mason. Yeo ke nnete. Boela morago, o ya go robala bjale, go tloga bošegong bjo. Jesu Kriste o go dira o welwe ke maruru. Sepela ka Leina la Morena.

<sup>74</sup> Ge o ka kgona go dumela! Bjale lena ntle fale ka go batheeletši, ge tlotšo ya Moya wo Mokgethwa e le fa, le a dumela, lena ka ntle le dikarata tša thapelo.

<sup>75</sup> Go ka reng ka mokgalabje yoo a emego fa nakwana ya go feta, yoo, a sa bago. . . a sa kgonago go tsena ka mothalong, o bile le nomoro ya phošo, na o be a le kae? Wena, emelela godimo ga maoto a gago. A o dumela Jesu Kriste go ba Morwa wa Modimo? A o ntumela go ba moprofeta wa Gagwe? [Ngwanešu o re, “Ee, mohlomphegi.”—Mor.] Go lokile. O ne bothata ka maswafo a gago. Yeo ke nnete. Bo go tlogile bjale, eya gae gomme o welwe ke maruru! Jesu o go diretše leswafo la go loka, o a bona.

Ebang le tumelo, gomme le dumele. Modimo ke Modimo.

<sup>76</sup> Go bjang, mohlomphegi? A o dumela Morena Jesu Kriste? [Ngwanešu o re, “Amene.”—Mor.]

<sup>77</sup> Bjale, go bile le monna o tlile go Jesu nako ye nngwe, gomme o ile gomme a phološwa, le go ya gomme o boditše mogwera yo mongwe, gomme o mo tlišitše. Gomme mogwera yo. . . Mmoditše gore o be a le modumedi. Gomme o be a tlabegile go kweng ga gagwe, gomme o rile, “Ke neng O kilego wa ke wa ntseba?”

<sup>78</sup> O rile, “Pele Filipi a go bitša, ge o be o le ka tlase ga mohlare, Ke go bone.” Tšeo e be e le dimaele tše masometharo go rarela thaba. Ka maoto, go mo tšere letšatši go tla morago go mothalo wa thapelo, le ge a tlile ka go mothalo wa thapelo.

<sup>79</sup> O a dumela gore Jesu a ka mpotša se bothata bja gago e lego? A o ka dumela ka pelo ya gago yohle? A batheeletši ba ka dumela ka pelo tša bona tšohle? [Phuthego e re, “Amene.”—Mor.] Ga se yenamong a le go fa bakeng sa yena. Ke sebakeng sa yo mongwe gape; gomme yoo ke mosadi, gomme o apešitšwe ka lehu, yoo ke kgaetšedi ya gago. [“Ee, yeo ke nnete.”] Ga se wa gago thwi. . . Ke kgaetšedi wa gago wa seripa. [“Yeo ke nnete.”] Gomme ga a fa. O ka sepetlele ka Tennessee. Kafao le wena o tšwa fao. [“Yeo ke nnete.”] Gomme o. . . Mosadi o bile le karo, eupša ga go bokaone bjo itšego e bo dirilego. Gomme o eme legatong la gagwe. Modimo a fe kgopelo ya gago. Sepela, gomme a nke Modimo a fodiše mosadi yola le go mo dira a welwe ke maruru, godimo ga motheo wa tumelo ya monna yo.

<sup>80</sup> Morena Modimo, re ahlola diabolo yola yoo a tšeago bophelo bja mosadi yola. Gomme a nke motho yo, yo e lego leloko go yena, a phele gobane o tlile le go ema legatong la gagwe. Jesu, O eme kua Khalibari legatong la rena, gomme O re fodišitše. Gomme re dumela Wena. A nke go be bjalo. Amene.

Sepela, o dumela bjale, ngwanešu. O se tšee kgopolo bakeng sa lefeela gape.

<sup>81</sup> Go bjang? Re basetsebane yo motee go yo mongwe. Le ke lekga la rena la mathomo go kopana. (Bjale e no ba feela tlhomphokgolo bjalo, le go theeletša kgauswi le go rapela.) Ge re sa tsebane, gomme re basetsebane go rena seng, mohlomongwe lekga la rena la mathomo re kile ra kopana. [Kgaetšedi o re, “Ee.”—Mor.] A yeo ke nnete? Ge le e le lekga la mathomo re kile ra kopana, phagamiša seatla sa gago. Ge Modimo a ka utolla go nna se bothata bja gago e lego, gona o tla ntumela go ba mohlanka wa Gagwe? [“Ee, ke a dumela o yena. Wena o mohlanka wa Kriste.”] Ke tla go botša bjale. Ga se nke ra ke ra kopana pele, eupša o Mokentuckian. Yeo ke nnete. O tšwa go lefelo le bitšwago Somerset, Kentucky. [“Ee.”] Yeo ke nnete tlwa. Ke tšwa Burkesville, Kentucky. Gomme o tlaišega ka bothata bjoo bo lego go ka teng ga mo—mo mogodu, karolo ya trasana. [“Ee!”] Ke dikutu. Yeo ke nnete. Go lokile, Jewel [“Oo!”], o boela morago, Modimo o go fa phodišo ya gago. [“Oo!”]

<sup>82</sup> O dumela go Morwa wa Modimo, Jesu yo a tsogilego? [Kgaetšedi a sa tšogo fodišwa dikutu, o goelela gape, “Oo!”—Mor.] Ge o ka amogela! O ka makala gobaneng mohumagadi a hlalala. O ka dira, le wena, [“Oo!”] ge o be o le ka go seemo sa go hwa. [“Tumiša Leina la Gagwe!”]

<sup>83</sup> Ga ke go tsebe. Eupša ga ke . . . Ge ke se ka phoša, ke a dumela o kolobeditšwe mosong wo, ka gobane ke bona o dirile se sengwe sa go loka. Eupša, go go tseba, ga ke go tsebe. O no sepelela ka mogobeng, gomme yeo e bile . . . o ile—o ile a kolobetšwa. Eupša a o a dumela Jesu a ka nkutollela mathata a gago? A batheeletši ba dumela seo ka pelo ya bona yohle? Ke bona mosadi a bonagala magareng ga ka le wena. O eme fa sebakeng sa mosadi, gomme mosadi ke yo mogolo kudu go go feta. Gobaneng, ke mmago. Ga a fa. O tšwa Georgia. Gomme o tšhogile kudu. Se ke eng, ke phetogo ya bophelo, menophose. Gomme o eme legatong la mmago. Yeo ke therešo. Gabotse, o ya go bo tla godimo, le go ba kaone. O a sepela, o dumela bjale, go tla fela. Mmotše go ba le tlhohleletšo ye botse.

<sup>84</sup> Modimo a go šegofatše, lesogana. E ba le tumelo. Dumela ka pelo ya gago yohle. Ge o ka kgona go dumela! Rapela.

<sup>85</sup> Ke a holofela gore nna le wena re basetsebane. Modimo o a go tseba gomme O tseba le nna. Eupša Modimo a ka nkutollela bothata bja gago? Ge A ka dira, a o ka Mo dumela?

<sup>86</sup> Ke batho ba bakae ka fa ba ka dumelago, le go re, “Modimo, ke tla dumela ge O ka botša monna yoo?” [Phuthego e re, “Ee. Amene.”—Mor.]

<sup>87</sup> Feel a nakwana. Mohumagadi a dutšego thwi ka morago ga basetsana ba fa, a ntebeletše, o tlaišega ka ditšhika tša go ruruga. Gomme o dutše fale, o rapelela yo mongwe gape.

Gomme moya wa gagwe o kgwathile Moprista Mogolo, gomme o kgokagane le Modimo. O rapelela mogwera wa gago, yoo a nago bothata bja monagano. Gomme ba dula ka go to—to toropokgolo, toropokgolo ye nnyane, ke Corydon, Indiana. Yeo ke nnete. Ge o ka dumela, o ka ba le se o se kgopetšego. Amene.

<sup>88</sup> O bile le tlhaselo ya pelo; kgauswi le mafelelo a tsela. A ke go botše bjo bongwe bja mathata a gago, go le bjalo, go kgoga disekerete. Ema motsotso, moya wola o tabogile nako yeo. Ga a nyake go dira seo. Seo ke se se hlolago bothata bja gago. Fa, ke lesogana *le* le dutšego godimo fale, o nyaka go tlogela disekerete, le yena. Ge a ka dumela ka pelo ya gagwe yohle, motlwae wa sekerete o tla tloga. Ge o ka dumela! O a e dumela? Ge o ka e dumela le go diragatša godimo ga yona, o ka ba le khunologo ya gago; le *wena* o ka kgona. Ga o tšwe fa. O tšwa kgole go tloga fa, le gona. O boela morago Owensboro bjale, o tumiša Morena. E ba le tumelo go Modimo.

<sup>89</sup> Ke a go tseba, eupša ga ke tsebe se se fošagetšego ka wena. Ge Morena a ka nkutollela se bothata bja gago e lego, a o tla Mo dumela? Gona bothata bja gago bja mogodu bo tla tla go lokeng. Go lokile. Eya gae gomme o hlalale, dumela ka pelo ya gago yohle.

<sup>90</sup> Ga ke dumele ke a go tseba. A re basetsebane seng sa rena? [Kgaetšedi o re, “Ee.”—Mor.] A o a dumela? Seo se ke—ke go botšago, therešo, o tsebe e be e le therešo goba aowa. [“Ee.”] Go lokile, bothata bja gago bja pelo bo tla go tlogela. [“Yeo ke yona. Ke a leboga.”] Eya gae gomme o welwe ke maruru.

<sup>91</sup> Ga ke go tsebe. [Kgaetšedi o re, “Aowa.”—Mor.] Eupša Modimo o a go tseba. O a dumela ge nka go botša se bothata bja gago e bilego, le moo bo bego bo le, o tla welwa ke maruru? Ka mokokotlong wa gago. Eya gae bjale, bo ya go go tlogela gomme o ya go ba gabotse.

<sup>92</sup> O nagana Modimo a ka fodiša sekutu seo le go go dira o welwe ke maruru, ntle ga karo? O a dira? Phagamiša diatla tša gago ge o e dumela. Eya gae gomme o e amogeke, ka Leina la Morena Jesu. Dumela.

<sup>93</sup> Go a tlabā, ge ke boletše seo, o bile le selo sa go swana. [Kgaetšedi o re, “Ee, ke a dira.”—Mor.] Sekutu. O kwele maikutlo a go se kwešišagale ge ke boletše seo, gobane meoya bobedi e tabogile, nako e tee. Sepela, Jesu Kriste o tla go dira o welwe ke maruru. Dumela.

<sup>94</sup> O lesogana, go ka ba le atheraithisi, eupša a o a dumela Jesu o tla go dira o welwe ke maruru? Ge o dira, sepelela pele ntle, o dumela, gomme o thakgafatšwe.

<sup>95</sup> Ke ba bakae le dumelago ka pelo ya lena yohle? [Phuthego e re, “Amene.”—Mor.]

96 Go ka reng ge ke se ka bolela lentšú go wena, eupša go go botša Modimo o go fodišitše ge o etla go rarela khona fale gomme o bile le maikutlo a sa tlwaelegago, a o tla ntumela? Eya pele gae, o gabotse. Jesu Kriste o go dira o be gabotse.

97 O mosadi yo moswa yoo a fokolago ka go tšhoga. O a dumela gore Modimo o tla fodiša go tšhoga goo le go go tloša go wena? O be o leka go hwetša lefelo go thoma go tloga go lona. Le ke la maleba fa. Sepela bjale, o hlalala, o thabile. Go fedile, go wena. Dumela ka pelo ya gago yohle.

98 O na le seemo sa letšhogo se se bakilego bothata bja mogodu. [Ngwanešu o re, “Yeo ke nnete.”—Mor.] O fodišitšwe ge o emeletše morago fale, mohlomphegi. Leo ke lebaka ke be ke go letile go tla go kgabola. Eya pele, eja selalelo sa gago, e ba gabotse.

99 Bothata bja sehumagadi, go tšhoga, go nyama. Yeo ke nnete. Bo ya go go tlogela bjale. Eya gae gomme o be gabotse, ka Leina la Morena Jesu. E no ba le tumelo.

100 O na le tšhašarakano ya sesadi, yeo ke nnete, go go bakela go tšhologa. Ke lee leo le emego. Dumela, Jesu Kriste o tla go dira gabotse. Eya gae, gomme o dumele ka pelo ya gago yohle.

101 Bjale, o ne seemo se se hlobaetšago, se ka pelong ya gago, go thibega. O a dumela gore Jesu Kriste o go dira gabotse? [Kgaetšedi o re, “Ee.”—Mor.] Ge o e dumela, sepela ka Leina la Morena, gomme o be gabotse. E ba le tumelo go Modimo.

102 Go lokile, ngwanešu, o a dumela gore Jesu Kriste o go dira gabotse, le wena? E no sepelela go theoga mothaladi, o tumiša Morena.

103 Ke ba bakae bjale ntle fale bao ba dumelago go Morena Jesu? [Phuthego e re, “Amene.”—Mor.] O tseba bjo bongwe le bjo bongwe. . .

104 Mdi. Nash, ke a go tseba, eupša nka se thuše Seetša sela go swara godimo ga gago. Ke a go tseba, eupša o rapelela yo mongwe gape. Ke segotlane se sennyane, ngwana yo monnyane, ga a dule fa. O dula tlase ka Tennessee. Gape, o rapelela mogwera wa gago wa ngaka yo a nago le bothata bja pelo. [Kgaetšedi o re, “O Modimo!”—Mor.] Gomme mosadi wa gagwe o sa tšo ba le strouku se sennyane. [“O Modimo!”] Yeo ke nnete. Dumela, gomme o tla ba gabotse.

105 Mohumagadi yo monnyane a dutše mo mafelelong a setulo fale, le monwana wa gagwe godimo ga molomo wa gagwe, o nagana eng, mohumagadi yo moswa? O bile le go phuhlama ga megalatšhika. O tšhaba go ba le go gongwe. Ke nnete. Ge e le nnete, phagamiša seatla sa gago, ge o phumula megokgo ya gago go tloga mahlong a gago. O se boife, gomme o ka se be le gona.

106 Mohumagadi a dutše go latela wena fale, o ne asma, bothata bja megolo. Emiša go kgoga, go tla go tlogela.

107 E ba le tumelo go Modimo. Dumela ka pelo ya gago yohle. Ge o ka dumela, dilo tšohle di a kgonega!

108 Fa go mohumagadi a dutše thwi ka morago ga mohumagadi yo fa. Ke ne kgonthe o . . . Mohumagadi, feela nakwana, leina la gagwe ke Mdi. Evans. O tšwa Kentucky, Louisville. Yeo ke nnete. Ga ke go tsebe. O a tseba yeo ke therešo. O ne bothata bja pelo, o ne bothata ka ditsebe tša gago. Yeo ke nnete. Ge seo e le nnete, phagamiša seatla sa gago. Boela morago Louisville, Jesu Kriste o go dira gabotse.

109 Ke hlohla tumelo ya gago, ka Leina la Jesu Kriste, go e dumela. Mang kapa mang ka fa, dumela ka pelo ya gago yohle! Moragorago ka morago, go ema moragorago, o a dumela. Ga se o swanele go ba lefelong le itšego. Godimo ka lehlakoreng *le*, dumelang! Ke ba bakae morago fale le hlokago phodišo? Phagamišang diatla tša lena, le re, “Ke a dumela, Morena.” Ebang le tumelo!

110 Go dutše thwi ka thoko *ye* fa, ke bona monna yoo a rapelago ka tlhokofalo, mo ponong, o eme fale, ke moreri, o eme hleng le phuluphithi, gomme o rera bakeng sa koketšego . . . rapela bakeng sa koketšego ya bodiredi bja gagwe. Ga se nke ka ke ka mmona pele mo bophelong bja ka. Eupša seo ke se o se rapelelago, ngwanešu. O tla ba le yona bjale. Dumela go Morena Jesu!

111 Go ne monna o dutše morago ka morago ga gagwe fale, yoo a nago se sengwe sa phošo ka letsogo la gagwe, mahuto mo letsogong la gagwe. O gape . . . Ge o ka e dumela, mohlomphegi, o ka ba le phodišo ya gago. Amene.

112 Feela ntle *fa* mo mafelelong a mothaladi fa, wa bobedi ka gare, mohumagadi yo monnyane ka hlogo ya gagwe fase, thwi morago go lebanya morago, a dutše fale a rapela, o ne bothata bja sabohloko. Yeo ke yona, mohumagadi, o iša seatla sa gago godimo, gomme ke a tseba ke—ke wena yoo a bego a rapela. O amogetše phodišo ya gago gona.

113 Go reng ka yona, le dumela Jesu o tsogile go tšwa bahung? [Phuthego e re, “Amene.”—Mor.] A O fa bjale? [“Ee!”] Le a Mo dumela? [“Amene.”] Gona ge le ka ntumela, ge ke le boditše Therešo ya Beibele, gomme Modimo o retologile le go hlatsetša ke le boditše Therešo, seo se ra gore, ka phethagalo gore, Morena Jesu o fa. A yeo ke nnete? [“Amene.”]

114 Gona le dira se, dira se, se dikadikeng, le bea diatla tša lena godimo ga yo mongwe a dutšego hleng le lena. Ke tla rapela go tšwa fa thwi, gomme sehlopha ka moka sa lena se tla fodišwa gonabjale ge le ka e dumela. A le tla e dumela? Beang diatla tša lena godimo ga seng sa lena, gona. Bohle bao le dumelago le ya go fola bjale, e reng, “Amene.” [Phuthego e re, “Amene!”—Mor.] Bjale lena . . . Ke ya go bolela thapelo ye. Le a e rapela, le e rapela ka morago ga ka.



115 [Phuthego e bušeletša thapelo ye, ka morago ga Ngwanešu Branham—Mor.] O Morena, Mohlodi wa magodimo le lefase, Mothomi wa Bophelo bjo bo sa felego, Mofi wa mpho ye nngwe le ye nngwe ye botse, ke ne tlhoko, Morena, ya maatla a Gago a phodišo. Gomme ke a rapela gore O tla mpha tumelo go e amogela. Yeo ke tshepišo ya Gago. Ke a dumela gore Wena o Jesu wa go swana yoo a sepetšego lešing la Galelia, a tlaišwa ka tlase ga Pontio Pilato, a hwa, a tsoga, a rotogela Godimo, a fa dimpho morago go batho, ka Moya wo Mokgethwa. Ke a dumela Moya wo Mokgethwa o fa go tšwetšapele mošomo wa go swana woo O o dirilego ge O be o le fa. Ke gokarela tshepišo yeo. Ke amogela phodišo ya ka. Ke tshepiša go Go phelela le go obamela Melao ya Gago, go sepela Seetšeng. Gomme bjale ke a dumela, ka gobane ke dirile boipolelo bjo, gore ke fodile ka megogoma ya Gago.

116 Dulang ka go iketla ka kgonthe. Bjale e no naganang, bjoo ke boipolelo bja gago, Modimo o tla ka go wena gonabjale. Hemela gare Moya wo Mokgethwa, ka tumelo, “Ke dumela gore seemo sa ka se a fodišwa. Ke dumela gore bolwetši bja ka bjohle bo tlošeditšwe kgole.” O gonabjale ka go Bagoneng bja Modimo. Ga o kgone go kwa Moya wola? Bulang dipelo tša lena, tumelo ya lena—ya lena. Moya wo Mokgethwa o fodiša batho gonabjale; mosetsana yo monnyane o dutše feela fa, yo mongwe go le letona la ka. Sefala ka moka se bonala eke se bonegetšwe ka Maatla a Kriste yo a tsogilego. O ka godimo ga batheeletši. O ka go batho. Bjale, yeo e bile thapelo ya lena.

117 Bjale ke ya go rapela le go kgopela diabololo wa go belaela go ya kgole go tloga go lena.

118 O Morena Modimo, Mohlodi wa Magodimo le lefase, ekwa thapelo ya ka, Morena; ka pela, ge Moya o Mokgethwa o sa le fa, pele batho ba senyega.

119 Ke ahlola diabololo. Jesu Kriste o tšere phenyo kgole go tloga go wena, O e thopile kua Khalibari; O fentše godimo ga lehu, diabololo, hele, le lebitla, gomme o tsogile gape mo letšatšing la boraro, gomme o a phela go ya go ile. Tšwa ntle ga fa, Sathane, o sephedi se se fentšwego. Tlogela batho ba, gomme a nke ba fodišwe, ka Leina la Morena Jesu Kriste.

120 Bohle bao le amogelago phodišo ya lena, emelelang ka maoto a lena gonabjale. Ka Leina la Jesu Kriste, emelelang! Amene. Phagamišetšang diatla tša lena go Yena, le go Mo tumiša. Ke feela batho bao ke ba bonago bao ba sego ba ema, go ne monna a dutše ka fa ka go setulo sa go thetha, Gane Heelie. Ke tseba se taba ya gagwe e lego, yena ke taba ya pholio.

121 Go bonala bjalo ka setulo sa go thetha *fa*. A re boneng. Go ne taba, mohumagadi ka setho se setee. A yeo ke nnete? A o ntumela go ba moprofeta wa Modimo? Ke mosetsebjego go wena. Nka se kgone go go fodiša. Eupša a o a dumela Modimo a ka mpotša se bothata bja gago e lego? [Kgaetšedi o re, “Ee.”—Mor.] Ge e ka

dira, a e tla go hola? O wa swikiri. Yeo ke therešo. Bjale e dumele, gomme eya gae gomme o be gabotse, ka go setulo sa go thetha. Ke sohle o swanetšego go dira, ke go dumela go Morena Jesu Kriste, gomme o fodišwe!

<sup>122</sup> Phagamišang diatla tša lena bjale, gomme—gomme le re, “Ke a Go leboga, Morena, go mphodišeng. Ke a Go leboga, Morena, go mphodišeng. Ke a Go tumiša, Morena, go mphodišeng. Modimo o lokile! Modimo ke yo mogolo! Modimo ke yo bohlokwa! Modimo ke kgonthe! Modimo o fa! Moya wo Mokgethwa o fa. Maatla a Modimo a fa. Gomme bjale ke a dumela ka tšohle tšeo di lego ka go nna, gore Jesu Kriste, Morwa wa Modimo, o ntira gabotse. Amene.”

<sup>123</sup> Ge go ka ba le yo itšego fa yo a ahlotšwego ka sebe, gomme o tseba gore dibe tša gago ga di ka tlase ga Madi, gomme gonabjale ka Bogoneng bja Modimo, Yoo a tsebago menagano ya gago, gomme Moya wo Mokgethwa o mpotša se, a o ka rata go Mo amogela bjalo ka Mophološi wa gago wa sebele, o nyaka go gopolwa mo thapelong? Phagamiša seatla sa gago, bohle bao le lego ka fa. Modimo a go šegofatše, le wena, le wena, le wena, le wena, le wena. Yeo ke nnete. Morago fale, wena, le gohle fa. Kgonthe. Morago fa, Modimo a go šegofatše, morwa. Modimo a go šegofatše godimo fale. Gomme Modimo a go šegofatše. Yeo ke nnete.

<sup>124</sup> Le a bona, Moya wo Mokgethwa ga o ke o phoša. Ge Moya wo Mokgethwa o re . . . Ke be ke itokiša go neela tirelo go Ngwanešu Neville, ka gore phodišo e fedile, eupša Se sengwe se rile, “Ba hloka phodišo ya soulo.” Ge o nyaka go amogela Jesu bjalo ka Mophološi wa gago wa sebele, inamiša hlogo ya gago feela nakwana. A nke re neeleng thapelo.

<sup>125</sup> Ngwanešu Neville, ke makgwakgwa kudu, o neela thapelo ye, o tla dira. Go lokile.

<sup>126</sup> [Ngwanešu Neville o a rapela, “Tate wa Legodimong, ka Leina ka Morena Jesu Kriste, Yoo a sepetšego ka letago bjalo fa magareng ga rena bošegong bjo. Bjalo ka ge ba bao ba inamišitšego dihlogo tša bona, ka tumelo bošegong bjo, ba dumela gore O kgona go ba phološa, bobedi soulo le mmele. Phološa bona bao ba dumelago bjale ka tumelo ya go sokologa. Morategi Modimo, a nke bošego bjo bo be bošego bja go fapana go bona. Ba fe bjale tlhologelo, O Modimo. Gomme ba fe bjale, O Morena Jesu, tsebo yeo e hlologetšwego ga kaaka ya dibe go lebalelwa. Phološa yo mongwe le yo mongwe, O Modimo, bao ba inamišitšego hlogo ya bona ntle fale, bao ba kgopetšego kganyogo ka go thapelo. Gomme a nke bona, go tloga bjale go ya pele, a nke ba rere ka pelong ya bona go phelela Yena Yoo a ba hwetšego. Ka Leina la Jesu le sebakeng sa Jesu re a rapela. Amene, le amene. Tumišang Morena!”—Mor.]



*LESWAO LA MESIA* NST59-0329E  
(The Sign Of The Messiah)

Molaetša wo ka Ngwanešu William Marrion Branham, setlogong o abilwe ka Seisimane ka mantšiboa a Lamorena la Paseka, Matšhe 29, 1959, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya maknete, gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme e phatlalatšwa ke Voice Of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)